



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XXX. Die Avgvsti.

**urn:nbn:de:hbz:466:1-9625**

## XXX. DIE AVGVSTI.

P. PETRVS  
CLVTIVS.30. August.  
Belga Tre-  
uitis. 1587.

**D**E hoc in hunc diem Iacobus Stratus ex P. Ægidio Bauario, cui Petrus id quod dicam secreto retulerat, scribit, illum cum inter Societatem & alium ordinem dubius fluctuaret, multis lachrymis lumen à Deo precatum, manifestâ Dei voce hæc ipsa verba audiuisse: *Petre, Petre; Beatus ille quem vocavi ad Societatem nominis mei.*

Vocatio.

P. RENATVS  
COTORELLVS.Gallus Cæ-  
berij. 30.  
Aug. 1598.  
ætat. 55.  
Soc. 36.

**D**vo in hoc viro cum aliis laudibus tum alacris obediëntiæ obsequiis celebri memorabilia visa sunt fuisse præ cæteris. alterum quod moribundorum obsequiis caput in lue addixerit, adeoque gloriolâ illi Spartæ sit immortuus: Alterum, quod, ut inter heroës de illo scribit Alegambe, mirâ simplicitate, humilitate, charitate ipsos viginti quinque annos in erudiendo infimæ classis elementario puero- rum grege, indefesso, constantique labore ponere iucundum sibi duxerit & gloriosum.

Humilit.

P. ANTONIVS  
SEV THOVVENINVS  
GARANDEL.Gallus  
Massiponti.  
30. August.  
1638. ætat.  
74. Soc. 31.

**N**otatum est, illum orandi studio tantâ propensione animum adiecisse, ut intra diei ac noctis inter-

uallum 12. Ipsas horas genibus nixus, circa vllum adminiculum, orationi dederit. Opinio fuit illum à Matthia Lecoufi Coadiutore cælo iam, ut creditur, recepto visitatum. Multus erat in generosa sui contemptione atque victoria, in paupertatis ac obediëntiæ cum reuerentia coniunctæ cultu, humilitatis denique vsu perpetuo, quâ silentio præteribat se ante Societatis initam, in intimam Errici Episcopi Virdunensis consuetudinem familiariter allectum, honorificè istic habitum & amatum; illud verò crebrius occasione arreptâ repetebat se in Musponto conuictu famulum olim fuisse, atque ad eò ex abiectâ conditio- ne venissè.

Oratio.

P. ADAMVS  
KRAVARSKI.

**H**unc tum adhuc puerum ad magna natum aiebat Sacerdos magnæ virtutis famâ commendatus, narrans eum sibi per quietem diuino sacrificio operanti ministrum adesse visum, capite coronatum coronâ celestibus gemmis illustri. In tyrocinio variè à valetudine, atque à Magistro suo versatus, quasi inutilis infimæ scholæ institutionibus tradendis Prætequam Philosophiam audiret per quatuor annos operam sanctam dedit. In Missione Dociana, & postea Tyrnauia in Hungaria operam Apostolicam præstitit felicissimâ messe animarum ad fidem, & ad frugem reductarum. Præte adolecentes è cella subterraneâ (magicis lineis confusis & interuersis) vna cum Magistro dæ-

Germanus  
Præte 30.  
Aug. 1660.  
ætat. 85.  
Soc. 54.

RR ; mone

Eidet.

mone facessere iussit; ne scholas nostras, conuictumque pessundarent. Quantum œconomie quoque Pragensis Collegij apud regni ordines, & apud Equitem Iacobum Hôrckicki commodi attrulerit, meminit illud Collegium nunquam obliterandâ nominis tam bene meriti memoriâ. Illustris fœmina per illum ad orthodoxam fidem reducta cum in hœresi ter & nunquam viuum fœtum edidisset, postea Catholica nouies peperit, & prolem semper viuam. Regina Hradecij ad populum ita dixit, vt auditâ quadam eius conciones, octoginta ciues hœretici (quos inter etiam senatores) ad illum adierint, & hœresim detestati, præstitutâ ab illo die, Sacramento pœnitentiæ animos expiârint. Eiusdem, & Girziniensis, ac nouæ ciuitatis Pragensis atque Clatouiensis Collegij origines P. Adamo debere scribunt ij quibus res coram istic perspectæ sunt; Domo professâ quoque opportunum in eo asyllum persæpè luculenter expertâ. Georgius Comes à Martinez Bohemiæ Cancellarius datis vltimo Aprilis anni 1651. ad P. Adamum literis disertè testatus est Luciam Kôlovratianam sororem suam egregijs eius laboribus permotam Clatouiensis Collegio fundando animum adiecisse. Id quod tunc factum quando præter omnem expectationem apud Bistryenses (quò miseranda hœresum variarum colluies confluerat) P. Adami suauitate, dexteritate, amabili pietate intra breue tempus facillè duo millia hœreticorum orthodoxam fidem amplexa sunt; cum haud ex vano timeretur vt fugam potiùs quàm fidem arripent. Inito diligenter numero, aiunt (vt ex eius aduersariis constat) in variis Bohemiæ locis P. Adami labores à Deo nobilitatos lucro tot animarum ad religionem Catholicam reductarum vt censeantur conuersorum

triginta duo millia & quingenti ab anno 1622. vsque ad 1660. Elucebat in illa ætatis & corporis granditate & maiestate amabilis quædam prudentia, & inde apud Cæsarem ac sacros prophanosq; proceres autoritas. Flexis in pulpito vel altiore subsellio genibus, Deum ac omnes cœlites religiosè testabatur, se ea dicturum quæ saluti audientium necessaria forent seque diuino tribunali pro eis respondere paratum, se plecti æternum velle, si sciens falleret. Tum diuinas literas, & Latinos Græcosque Patres palam promebat, & fidei Catholicæ articulos inde firmabat peritus fidelisque interpreter. Quâ industriâ populum mirificè permouebat: & postea tanquam potestatem habens flammam in corda vibrabat, senatu quoque ab eius parte stante; quippe cui priùs decreta Cæsarea & datas ad se Archiepiscopi ac Dynastarum literas exhibebat. Hoc studium animarum assiduâ orandi cõsuetudine alebat. Præstitura orandi & conscientiam introspiciendi tempora non nisi flexis genibus exigebat, etiam in valetudine non sat firma: & si in missionibus non versaretur, semper in suo conclauis se continebat: in cuius medio positus humi genibus voce clarâ diuinum officium recitabat. Totis noctibus aliquando vigil auditus est pretiosa quædam iacula in cœlum orando vibrare, Sanctissimis IESU & MARIE nominibus quàm frequentissimè repetitis: id quod in itinere quoque agebat, quasi coram cum iis loqueretur. In Hungariâ eum super altas niues horam integram flexis genibus orando duxisse obseruauere nonnulli. Etiam in extremâ ætate, licet per iter corrueret, tamen antiquâ suam consuetudinem Sanctissimi Sacramenti crebriùs inuisendi non omittebat; aliquando etiâ istic pernoctans in oratione Dei ac se coram Christo Rege

Oratio

Enchirid.

Mortif.

Sacrum.

Rege ut reum sistens & inclementer verberans. Ut se diuino sacrificio celebrando pararet, duobus sacrificiis aderat antequam celebraret; ut gratias redderet, duobus aliis post sacrum interesse consuevit. Nihil ad cubiculum admittebat, quod paupertas Nouitio non concederet: nullum in verrendo componendoque cubiculo adiutorem unquam admisit. Societate ab hæreticis Pragâ eiectâ, carbonarij veste cû curru redibat Adamus, & Catholicis

clam Sacramenta, ac solatia ministrabat. Quoties mortem sibi variè imminentem euaserit, dicere longioris est otij. Nunc rosarij Mariani, nunc variâ diuinæ prouidentia ope; post vulnera, seruatus est; tunc lætissimus, cum dicax hæreticorum natio illum verbis & verberibus acerbè acciperet miserè cruentatum. Pro vulneribus reddebat gratias, missæ quoque sacrificio celebrato pro iis à quibus sæuum in modum fuerat acceptus.

XXXI. DIE AVGVSTI.

P. PETRVS  
VILLAR.

31. August.  
Hispanus  
Tarracon.  
1604. ætat.  
60, 500. 37.

Miro ad afflictandum corpus ingenio est vsus per artes varias, flagrorum, ciliciorum, frigoris &c. Cû Valentia præesset, noctu sæpè ad SS. Sacramentum adibat; ibi suspirabat, se dirum in modum cædebat, & orabat. Per iter Coadiutori socio mulam suam dabat; ipse illum sequebatur pedes. Occultarum cogitationum, quas alij versabant, aliquando se conscium esse ostendit, ut fama est. Super ægrum qui à medicis iuuari vix poterat, Euangelium pronunciauit, & dolor omnis mox euauit. P. Fr. Petrus Paulus de Villar Augustinianus in India cum graui morbo teneretur, P. Petri patris sui meminit, & illicò coram se P. Petrum præsentem sibi videre visus, manifestam eius opem perferit.

IOANNES  
GONZALES. COAD.

Hispanus  
Lime 41.  
Aug. 1613.  
æt. 58.  
500. 32.

Iam tum sanctitati quærendæ operam intendebat, cum curam pecoris

gereret, ante initam Societatem eò se conuertens è campo, vbi templum & sacrificij locus esset, non sine gratia lachrymarum. In Societate Limam missus, per ipsos 20. annos ibi culinæ officia exercuit exquisitè mundus, assiduus, lætus, atque à singulis mentem in cælum librans. Marchio Peruiæ fortè istuc adueniens, nec expectatus eum illam elegantiam non sui sed Dei causâ fieri est conspicatus, totus alium ex alio se factum dixit, adiecitque se (si per matrimonium id liceret) Societatem initurum, quæ tales habeat faciatque. Multus erat in se multifariam afflictando & orando, quibus duobus præfidiis quædam ab aliis nequicquâ tentata perfecit ex animi planè sententiâ. De optimo perfectionis compendio interrogatus respondit obedientiam diuinæ voluntatis interpretem, compendium summum esse. Cùm esset ianitor, mirabili gratiâ pollebat, in mortalibus ad confessionem perducendis.

Oratio

Munditia

Exemplum

Mortif.

Obediens.

P. FLO.